

問總不知

坐久

雲映青山愜野心  
草茵盤石老松陰  
坐中更入無何有  
不管寥天日欲沉

守拙

鑪中忘卻燒鉛汞  
門外從他長葛藤  
事事不堪閒度日  
盡教人笑百無能

草堂

荒蕪三徑絕交遊  
窗戶淒淒冷似秋  
卻得可人真况味  
畧無塵事到心頭

道藏輯要

雲山集

卷

易集六

驚世

貪求深入利名場  
係縛勞心生愈傷  
棄重逐輕顛倒用  
合隄防處不隄防

虛生

役役身心不自由  
百年風激水中漚  
虛生浪死無程限  
識破歸來便合休

安生

眨眉欲辨移新舊  
轉眼那知換古今  
現在未來俱不識  
問誰誰許問安心

著物

浮名浮利意何深用盡機關使破心但爲兒孫千載計不防骸  
骨土相侵

逐境

目前滾滾蕩黃塵大化推移刻刻新生死窟中人不覺捨身惟  
與利名親

名利

僕馬車舟歷險艱區區名利兩相關細思本欲圖安穩卻使身  
心不暫閒

客至

或聞車從叩柴荆百衲旋披勉強迎自料無錢置村釀一甌春

道藏輯要

雲山集

卷

歸集六

雪淡交情

靜度

洞房無鎖未嘗扃碧落寥寥月滿庭千古雲和絃不續夜寒流  
水響泠泠

蛻塵

蛻塵蛻法蛻諸緣不說丹成上九天妄自不存真不立更無言  
說到重玄

不知

千差萬異莫能齊跳出拘虛到不知卻向箇中分變態堆山積  
嶽總無爲